



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:
Datum: 2018. godine

P R I J E D L O G

Na osnovu člana 10. Zakona o komunalnim djelatnostima ("Službene novine ZDK", broj: 17/08), člana 27. Ugovora o pružanju javnih vodnih usluga broj: 02-49-2-1745-12/15 od 31.08.2017. godine ("Službeni glasnik Općine Tešanj", broj: 7/17), Aneksa III Ugovora i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj _____ sjednici, održanoj _____ 2018. godine, donosi

O D L U K U

o davanju saglasnosti na Metodologiju za formiranje cijena vodnih usluga

I

Daje se saglasnost na Metodologiju za formiranje cijena vodnih usluga, donesenoj na 23. sjednici Nadzornog odbora JP „Rad“ d.d. Tešanj, koja predstavlja način na koji moraju biti izračunate cijene vodnih usluga JP „Rad“ d.d. Tešanj.

II

Cijene vodnih usluga izračunate prema Metodologiji iz stava I. ove Odluke, JP „Rad“ d.d. Tešanj će dostavljati na saglasnost Općini Tešanj.

III

Ova Odluka će zajedno sa Metodologijom za formiranje cijena vodnih usluga biti objavljena u „Službenom glasniku Općine Tešanj“.

IV

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Subašić Senad, dipl.ecc.

O b r a z l o ž e n j e

PRAVNI OSNOV

Član 10. Zakona o komunalnim djelatnostima ("Službene novine ZDK", broj: 17/08) i član 27. Ugovora o pružanju javnih vodnih usluga broj: 02-49-2-1745-12/15 od 31.08.2017. godine ("Službeni glasnik Općine Tešanj", broj: 7/17) potpisanim između Općine Tešanj i JP "Rad" d.d. Tešanj te Aneksa III Elementa za donošenje Metodologije za formiranje cijena komunalnih vodnih usluga u općini Tešanj, čine pravni osnov za donošenje ove Odluke.

O b r a z l o ž e n j e

Zakonski okvir određivanja cijena vodnih usluga uređuje se prije svega Zakonom o komunalnim djelatnostima. Visinu cijene i način plaćanja vodnih usluga određuje odlukom Općina na prijedlog pružatelja usluga, u našem slučaju JP "Rad" d.d. Tešanj.

Uspostavljeni pravni okvir je predodredio postojeću praksu određivanja cijena vodnih usluga (vodosnadvijevanja i odvodnje otpadnih voda).

U dosadašnjoj praksi je bilo uobičajeno da prijedlog (promjenu) cijene ovih usluga priprema nadležna služba komunalnog preduzeća na osnovu vlastitih podataka o troškovima iz prethodnog perioda o proizvedenoj i fakturiranoj količini isporučene vode, odnosno odvodnje otpadnih voda te na osnovu planiranih promjena visine operativnih ili troškova održavanja (npr. zbog promjene cijene energenta ili zbog planiranih radova na smanjenju gubitaka ili zamjeni cjevovoda i sl.). Česta je praksa bila da su ovi podaci nedovoljno detaljni i knjiženi na neodgovarajućim troškovnim centrima pa u tom smislu nisu dovoljno relevantni za utvrđivanje (promjenu) cijene.

Slijedeći vodnu politiku Evropske unije u ovoj oblasti, uspostave realnih cijena vodnih usluga koje trebaju osigurati puni povrat ostvarenih troškova, smatra se da i Bosna i Hercegovina treba uspostaviti sistem u kojem će se korištenjem ekonomski realnih stopa vodnih naknada i cijena vodnih usluga osigurati neprofitno i samoodrživo finansiranje sektora voda.

Imajući u vidu iznesene činjenice za potrebe određivanja cijena vodnih usluga i izrade metodologije na kojoj će se one zasnivati, u komunalnom preduzeću su dodatno doradene ili precizirane određene funkcije koje je bilo neophodno urediti kao pripreme korake koji su bili nužni da bi se moglo pristupiti realnom proračunu cijene vodnih usluga (definisanje troškovnih centara te knjiženje svih prihoda i rashoda isključivo prema tim troškovnim centrima, popis i razgraničenje stalnih sredstva, izvještavanje o troškovima i prihodima i po poslovnim jedinicama uz zbirno izvještavanje za preduzeće, itd).

Pripremljena metodologija predviđa primjenu modela jedinične cijene po m³ vode sa plaćanjem prema potrošenoj količini sa pretplatom koja pored mjerenja uključuje i troškove redovnog i u zakonskim rokovima održavanja potrošačkih vodomjera.

O B R A Ā I V A Ā

Služba za finansije, privredu, komunalne
i inspeksijske poslove

Hamzalija Hojkurić, dipl.oec.



P R E D L A G A Ā

OPĆINSKI NAČELNIK

Mr. sc. Suad Huskić

Broj: 02-49-2-1745-32/15

Dana: 20.12.2018. godine